



Publicaziuns dalla vischnaunca, jamna 29

Lubientschas da baghegiar

L'istanza da baghegiar ha concediu suandontas lubientschas da baghegiar:

2013-1027.000

Ignazi Jacomet-Cabalzar, Via Peisel 22, 7186 Segnas; suschna da lenna, parcella 1108, Via Peisel 22, 7186 Segnas.

2013-1034.000

Paul Degonda e Simone Walser Degonda, Via Run 2, 7180 Disentis/Mustér; sanaziun d'ina casa da duas habitaziuns, parcella 589, Via Funs Dado, 7180 Disentis/Mustér.

Disentis/Mustér, ils 16-7-2013
uffeci da baghegiar Disentis/Mustér

Referendum facultativ spirau

Ils 14 da zercladur 2013 ha il cussegl da vischnaunca approbau la revisiun parziala dalla lescha davart ils dretgs politics e concediu in credit brut da frs. 296 000.– per la canalisaziun Sontget–Carcarola–Ual d'Acletta. Encunter quellas decisiuns ei enteifer il termin fixau buca vegniu fatg diever dil referendum, aschia ch'ellas han contonschii vigur legala.

La lescha davart ils dretgs politics ei sco usitau publicada sin la pagina d'internet www.disentis.ch – Servis – Spurtegl virtual – Leschas.

Suprastonza communal

Fiasta digl 1. d'uost a Mustér

La fiasta d'igl 1. d'uost 2013 ha liug uonn sil plaz avon la casa communal, en cass da malaura en halla Cons. La fiasta entscheiva allas 18.00 uras e cuoza entochen allas 24.00 uras. Ei vegn purschiiu tratgas preparadas da commembers da Gastro Mustér/Medel sco era specialitads dil grill. Plinavon dat ei musica da divertiment ed ina producziun dils Sunatibas Posta biala da Sumvitg. Il menaschi d'ustria vegn organisaus dall'Uniun da customs da Mustér.

Peter Binz, president communal da Medel/Lucmagn, fa il plaid festiv.

Sco usitau dat ei in til da lampiuns pils affons (lampiuns vegnan mess a disposiziun gratuitamein) ed in fiug bengal.

Per dar ina speciala tempr a nossa fiasta naziunala fuss ei bi, sch'igl entir vitg vegness embellius.

Nus selegrein d'astgar beneventar Vus alla fiasta naziunala.

Vischnaunca da Mustér

1. August Feier in Disentis

Die 1. August Feier findet dieses Jahr auf dem Platz vor dem Gemeindehaus statt, bei schlechtem Wetter in der Halle Cons. Die Feier beginnt um 18.00 Uhr und dauert bis 24.00 Uhr. Die Festwirtschaft bietet verschiedene Spezialitäten an, welche von Mitgliedern der Gastro Mustér/Medel zubereitet werden, sowie feines vom Grill. Ferner gibt es musikalische Unterhaltung und eine Aufführung der Alphorngruppe Sunatibas Posta biala aus Sumvitg.

Die Festrede wird von Peter Binz, Gemeindepräsident von Medel/Lucmagn, gehalten.

Wie üblich gibt es auch dieses Jahr einen Lampionumzug für Kinder (Lampions werden gratis abgegeben) und ein Feuerwerk.

Um unserem Nationalfeiertag eine spezielle Note zu verleihen wäre es schön, wenn das ganze Dorf geschmückt würde.

Wir freuen uns, Sie an der Nationalfeier begrüßen zu dürfen.

Gemeinde Disentis

Viafier Matterhorn Gottard Lavurs da manteniment duront la notg

Muort lavurs urgentas da manteniment vid ils binaris dil trassé dalla Viafier Matterhorn Gottard vegn luvrau duront las suandontas notgs sin il territori dalla vischnaunca da Mustér: *mintgamai il gliendis-dis/mardis notg entochen venderdis/ sonda notg, naven dils 10 da zercladur entochen ils 3 d'uost 2013.*

Ei vegn dau breigia da reducir las immissiuns da canera sin in minimum. La Viafier Matterhorn Gottard engrazia ordavon per la capientscha.

Per ulteriur sclariment stat Guido Monn, menader d'infrastructura Ursera/Surselva, bugen a Vossa disposiziun.

Administraziun communal

Prescripziuns pertuccont igl encurir bulius

La regenza dil cantun Grischun ha decretau restricziuns en connex cun igl encurir bulius. Ei setracta en special dil suandont:

- Egl interval digl 1. entochen il 10. di da mintga meins eis ei *scumandau* d'encurir bulius;
- Il quantum maximal ch'ins astga rimnar per persuna e per di da tuttas specias da bulius munta a 2 kg;
- Vandalissem da bulius ei *scumandau*;
- Il diever d'utensils da mintga spezia per rimnar bulius ei *scumandaus*;
- Rimnar bulius en gruppas da pli che treis persunas, cun excepziun da famiglias ed excursiuns lubidas.

Nus supplichein la populaziun da respectar quellas disposiziuns ed engraziein per la capientscha.

Suprastonza communal

Apparats d'udida

Gliendisdis, ils 29 da fenadur 2013 saveis Vus scharschubergiar e regular Vies apparat d'udida el Center da sanadad Sursassiala SA a Mustér che sesanfla en claustra ed a Curaglia. A Mustér ei il liug signalislaus: a *Mustér* naven dallas 14.00 tochen ca. las 15.15, a *Curaglia* naven dallas 15.30 tochen ca. las 16.30. L'uniun Pro Audito Chur, cun Arthur Jacomet fa quei survetsch per tuts interessents gratuitamein.

Cordial invit
Center da sanadad Sursassiala SA

Uniun samaritana Mustér

L'acziun da spender saung per donaturas e donaturs dallas vischnaucas da Medel e Mustér ha liug:

Gliendisdis, ils 22 da fenadur 2013 dallas 18.00–20.00 en halla Cons.

Nus engraziein grondamein per quei bien survetsch en favur da malsauns e disgraziai e sperein sin ina stedia participaziun.

Uniun samaritana Mustér

Uniun da dunnas Mustér – preavis

Viadi dall'uniun da dunnas

Venderdis, ils 4-10-2013 mein nus sin viadi. Reservei gia oz quei termin en Vossas agendas. Informaziuns detagliadas suondan pli tard.

Nus selegrein sin in bi di cun Vus!
Cordials salids

Christina, Madlen, Nanetta, Sigrid e Fabiana

Fundaziun Tür auf – mo vinavon Canorta d'affons Lumpazi

Mira/siehe unter Cadi.

Ballareit/Volleyball sil sablun

Mira sut Sumvitg.